



Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

Haineuve, Julien

Coloniæ Agrippinæ, 1665

Cui veritati multæ affines adjunguntur.

urn:nbn:de:hbz:466:1-44214

*ad ipsum, ut ipsemet Apostolus alibi clare
ait, Propter quem omnia, & per quem omnia.*

*Denique quantum indubitate Deus di-
citur & creditur Dominus noster, Dominus
Cæli ac Tetræ, Dominus omnium, tam certò
affirmatur esse finis noster, ut non sit aliud es-
se Dominum, quam de nobis posse statuere
prout velit; nec sit aliud, esse finem nostrum,
quam ut sic, prout velit, de nobis statuar; &
quod statuerit, planè velimus. Dominus est,
quod bonum est in oculis iuis, faciat. Nonne id
credis & dicas?*

*SED; quæ est altera propositio, si certa fide
hoc creditur, velimusque debito nostro satisface-
re, tam necessarium nobis est, ut nos ad Deum no-
straque omnia referamus, quam si non essemus li-
beri; neque enim talis libertas nos à debitis
nostris magis exolvit, quam à cæteris omni-
bus Christianæ justitiæ tum positivis, tum
negativis officiis, ad quæ pia standa similiter
liberi sumus. Sed quo sensu liberi? nempe ut
possimus nolle, aut velle cum gratia; si autem
volumus, liberè ac voluntariè id velimus quod
debemus; atque hoc ipsum quod debemus &
volumus, semper exequamur, non necessariò
sicut animantes belluae, non coactè sicut ser-
viles animæ. Quo in sensu etiam dixit Apo-
stolus, legem iusti non esse positam, id est, non
coerceri iustos legibus sicut iustos, quia ul-
tro illi & sponte legi observant: Sunt enim
in qualibet lege tria consideranda, nempe ob-
ligare, dirigere, & coercere sive punire. Duo
priora lex in iustos aq[ue] ut iustos exercer,
tertiū vero in iustos qui se deobus primis
non subjiciunt.*

*Hoc ipso itaque, quo agnoscis Deum esse
finem tuum, tanta necessitate, tanto jure, tan-
taque teneris obligatione, te ad illum totum
referre, quanta est ipsa quodammodo neces-
sitas, quā Deus est finis tuus. Expende verba,
necessitatem pondera, vide etiam atque et-
jām qualis quantaque siccilla necessitas, Deum
esse finem tuum, nempe ut aliter omnino non
possit esse; nec enim potest Deus non esse fi-
nis noster, tanta est hujus perfectionis in Deo
necessitas, quanta est ejus absolute perfectio-
nis, imò & existentia, quā certè necessitate
nihil maius dici potest. Sic ergò de te cogita:
sicut obstrictum crede ad finem illum tuum
prosequendum, ut aliter licet non possis vel-
le. Liberum tibi quidem est licet vel illicite
velle quod agas; sed posito quod velis tan-*

tum, sicut tantum velle debes, licet agere;
tam necessarium tibi est ad illum finem ten-
dere, quam quod de Deo dicimus, illum esse
necessarium finem nostrum.

*O strictissimam simul & liberimam, atq[ue]
amantisimam necessitatem! Quis enim non
libens volens sese illi subjiciat? quid illo fine
præstantius? quid delectabilius? aut quid utilius? Et tamen quam pauci le totos illò rese-
runt? quam multi contrà toti sunt in concu-
piscentia tam studiose complendis, quasi fi-
nem & scopum alium non haberent! Tu in
quantis hic delinqwas, attente discute. Ne
ita species quid bene agas quam quid non
bene, nam totum bene tali fini debetur. Ex-
pressa vox est in illo primo & maximo man-
datorum mandato, Diliges Dominum Deum
tuum ex toto corde tuo; Nam cum Deus, inquit
sanctus Thomas, ut ultimus finis sit diligendus, 2. p. q. 44.
ad quem omnia sunt referenda, decuit nobis mä-
nari, ut eum ex toto corde diligemus. Et paulo
post, & ideo totalitas quadam fuit designanda
circumceptum de dilectione. Et tum sequenti
articulo, convenienter nobis precipitur, ut Deum
diligamus ex toto corde, id est, ut tota nostra in
Deum referatur intentio.*

*Qua de re vide in 1. parte, die 3. & 4. Ianua-
rii. In 4. parte, Dominicain 17. Ibidemque
præcipue Sabbato hebdomada 15. ubi de li-
bertate proponuntur hæ duæ veritates supra
dictis multum accommodæ.*

*Quare una potissimum à Dei cultu avoca-
mur, eadem potius ad eum advocandi su-
mus. Nempe libertate.*

*Tantum abest quod, qui sunt verè liberi, non
se subjiciant; ut non fiat aliter verè liberi,
nisi se subjiciant.*

*Ad verba etiam proposita, Vado ad eum qui
misit me; possent hæ referri:*

*Sicut à Deo querendum est officium, ita in
officio querendus est Deus.*

*In 2. parte, ubi de statibus in fine; considera-
tione 3.*

*Ad Sacramentum, unde virtutes exēunt, re-
vertuntur, ut iterum fluant;*

In 3. parte, Feria 2. hebdomada 2.

Qui nō est sēper paratus, nunquā est paratus.

In 4. parte, Feria 3. hebdomada 28.

Q. 3. Quæ